

Na osnovu člana 9. Pravilnika o vrstama vlastitih javnih prihoda u FBiH ("Službene novine Federacije Bosne i Hercegovine" broj: 104/22) i tačke 9.6. Pravilnika o načinu uplate pripadnosti i raspodjele javnih prihoda u FBiH ("Službene novine Federacije Bosne i Hercegovine" broj: 54/20, 55/20, 63/20, 88/20, 28/21, 56/21, 83/21, 01/22, 34/22, 57/22, 76/22, 93/22, 94/22, 10/23, 37/23 i 81/23), Upravni odbor Univerziteta u Zenici uz saglasnost Vlade Zeničko-dobojskog kantona, na svojoj 07/25 sjednici, održanoj 03.11.2025. godine, donio je

PRAVILNIK
o izmjeni Pravilnika o vrstama, namjeni, načinu raspodjele i trošenja vlastitih prihoda

DIO PRVI – OSNOVNE ODREDBE

Član 1.

(Izmjena člana 6. - Namjena korištenja vlastitih prihoda)

U Pravilniku o vrstama, namjeni, načinu raspodjele i trošenja vlastitih prihoda Univerziteta u Zenici, broj: 01-01-1-4017/24 od 01.07.2024. godine, član 6. (Namjena korištenja vlastitih prihoda) Pravilnika koji glasi:

„Vlastiti prihodi iz člana 5. ovog Pravilnika koriste se za pokriće izdataka nastalih obavljanjem poslova iz kojih proizilaze ti prihodi, a ostatak na kapitalne izdatke Univerziteta u Zenici.

Vlastiti prihod koji ostvari organizaciona jedinica raspoređuje se na način da 5% prihoda pripada Rektoratu Univerziteta u Zenici, a 95% ostvarenog prihoda pripada organizacionoj jedinici.“,

mijenja se i glasi:

„(1) Vlastiti prihodi iz člana 5. ovog Pravilnika koriste se za pokriće troškova organizacione jedinice nastalih obavljanjem poslova iz kojih su proistekli vlastiti prihodi. Preostali dio vlastitih prihoda organizaciona jedinica može trošiti u kapitalne izdatke koji su povezani sa obavljanjem djelatnosti iz kojih su nastali vlastiti prihodi.

(2) Organizacione jedinice ustupaju 5% ostvarenog vlastitog prihoda Rektoratu Univerziteta u Zenici. Dodijeljene vlastite prihodi organizacionih jedinica, Rektorat koristi za troškove koji su povezane sa djelatnošću Univerziteta.

(3) Organizaciona jedinica Univerziteta ukoliko ne može utrošiti ostvareni vlastiti prihod u fiskalnoj godini za svoje potrebe iz stava (1), preostali dio ostvarenog vlastitog prihoda uz pisanu saglasnost rukovodioca organizacione jedinice mogu dodijeliti drugoj organizacionoj jedinici za pokriće kapitalnih troškova povezanih sa djelatnošću organizacione jedinice, sa jasnom naznakom kojoj organizacionoj jedinici se ustupaju troškovi i za koju namjenu troškova.


(4) Ukoliko primljena vlastita sredstva organizaciona jedinica ne utroši u fiskalnoj godini, ista se vraćaju na raspolaganje onoj organizacionoj jedinici koja je ustupila vlastita sredstva.“

Član 2.

Pravilnik o izmjeni Pravilnika o vrstama, namjeni, načinu raspodjele i trošenja vlastitih prihoda stupa na snagu danom prihvatanja saglasnosti od strane Vlade Zeničko-dobojskog kantona.

Broj: 01-01-1-4528/25

Zenica, 03.11.2025 godine



**PREDSEDNIK UPRAVNOG
ODBORA UNIVERZITETA**

Prof. dr. sc. Suvad Isaković

**UNIVERZITET U ZENICI
UPRAVNI ODBOR**

Broj: 01-01-1-4528/25
Zenica, 03.11.2025. godine



Na osnovu člana 54. Zakona o visokom obrazovanju ("Službene novine Zeničko-dobojskog kantona", broj: 12/22 i 15/24 – autentično tumačenje), člana 19. stav (2) Zakona o Javnoj ustanovi Univerzitet u Zenici - Prečišćeni tekst ("Službene novine Zeničko-dobojskog kantona", broj: 1/18, 10/18 i 13/21) i člana 62. stav (1) Statuta Univerziteta u Zenici (Prečišćeni tekst), Upravni odbor Univerziteta u Zenici, na svojoj 07/25 sjednici, održanoj 03.11.2025. godine, donio je

ODLUKU

o usvajanju Pravilnika o izmjeni Pravilnika o vrstama, namjeni, načinu raspodjele i trošenja vlastitih prihoda

Član 1.

Ovom Odlukom usvaja se Pravilnik o izmjeni Pravilnika o vrstama, namjeni, načinu raspodjele i trošenja vlastitih prihoda i isti čini sastavni dio ove Odluke.

Član 2.

Odluka i Pravilnik o izmjeni Pravilnika o vrstama, namjeni, načinu raspodjele i trošenja vlastitih prihoda stupaju na snagu danom pribavljanja saglasnosti od strane Vlade Zeničko-dobojskog kantona.



PREDSJEDNIK UPRAVNOG ODBORA

Prof. dr. sc. Suvad Isaković

Dostavljeno:

- 1x Vlada Zeničko-dobojskog kantona
- 1x Ministarstvo za obrazovanje, nauku, kulturu i sport Zeničko-dobojskog kantona
- 1x Zakonskom zastupniku Univerziteta određenog Mjerom osiguranja, Rješenje Općinskog suda Zenica broj: 43 0 P 262789 25 Mo od 17. 07. 2025. godine
- 1x Prorektor za finansije i razvoj Univerziteta u Zenici (za informaciju)
- 1x Rukovodilac Službe za finansijske, knjigovodstvene i poslove javne nabavke (za informaciju)
- 1x 34-3
- 1x a/a